



ATASSUT INATSIARTUNI

ATASSUT

UKA 2013/80-1

Siverth K. Heilmann

03.10.2013

Kalaallit Nunatsinni innuttaasut amerlanerit kalaallisut oqalussinnaalernissaannik periusissiatut iliuusissanut pilersaarummik kingusinnerpaamik Inatsisartut 2014-mi upernaakkut ataatsimiinneranni saqqummiunneqartussamut Naalackersuisut suliaqaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Mimi Karlsen, Inuit Ataqtigiit)

Inuit Ataqtigiit sinnerlugit Inatsisartuni ilaasortap Mimi Karlsen-ip siunnersuutaa Naatsukullammik ersarissumillu tunngavilersugaasoq ATASSUT-mit naatsukullammik ersareqataanillu oqaaseqarfigeriassavarput.

Kalaallit Nunatsinni innuttaasut amerlanerit kalaallisut oqalussinnaalernissaannik periusissiatut iliuusissanut pilersaarummik Naalackersuisut suliaqaqqullugit, taannalu 2014-mi Inatsisartut upernaakkut ataatsimiinneranni saqqummiunneqassasoq siunnersuutaavoq.

Oqaatsit pillugit saqitsaattoqartarnera arajutsisimangilarput, aammalu ATASSUT-mit peqataarusuqaagut oqaatsit aporfiginagit qanorluunniit qalipaateqaralarutta sumilluunniillu tunuliaqutaqaralarutta akaareqatigiilluta nunatsinni peqqarniissinnaaqisumi tamatta inissaqarfigisatsinni inooqatigiissinnaanissatsinnut inerisaanermut.

ATASSUT-mit paasinninnerput naapertorlugu matumani kalaallisut oqaaseqartuunngitsut ullumikkumit suli annertunerusumik aammalu angusaqarfiunerusumik kalalaallisut oqaatsitsinnik ilinniarsinnaanissaminnut periarfissinneqarnissaat ujartorneqarpoq, tamanna ilalernartipparput.

ATASSUT-mit isumaqarpugut oqaatsinik pikkorissarfiup neqeroorutaatai naammagiinnarnagit qanoq iliornikkut kalaallisut oqalussinnaasut amerlisarnissaannut isumalioqatigiittariaqalersugut.



ATASSUT INATSISARTUNI

Siunnersuutigineqartoq nalilersorluarneqarsinnaaqqullugu aammalu Naalakkersuisut suliniutaasunik sukumiinerusumik nassuiaateqarsinnaaqqullugit, siunnersuut Kultureqarnermut, Ilinniartitaanermit Ilisimatusarnermut Ilageeqarnermullu Ataatsimiititaliamut ingerlateqqinneqassasoq ATASSUT-mit inassutigissavarput.